


Aepa Gemae 3




Inagi Atamu'a a'ae'mo agi'amo,
Ivi'ae, huno ate'niye. Muki afa'a
maisaya ve a'nemogi ita'apimo'mo
mai'niya'mofe'mae.



Ala kava ne'mo Goti'a muki alo huno
apate'niya yapati'mo
nagalo'yavemo'mo hosu kava
hisiyafe'mo afiteno age'niya
kava'aleti'mo muki alo huno apate'niya
afela ya'amo ago aeno apaka se'niye.
Inagi nagaloyavemo'mo a kanoe'mo ina ge huno
ge huno afi ge'niye. Goti'a muki hoyafi'mo ane'niya
yosa alaga'amo
o'ne'ao, huno
hu'nifiye.



Inagi a kanomo'mo
ge'ale'mo aeno
atagaina huno ha
paino'ae'mo, la'agaemo
muki mani hoyafi'mo hane'niya yosa
alaga'amo afa'a negau'ae. Afa'a
negau'a'monanafa hoya folagapi'mo
hane'niya yosa alagae'mo
Goti'a, ha'ao, alagi
o'ne'ao, huno hu'niye.
Goti'a ina ge huno hu'niye.




3

Lanakaemo mani
yosa alagamo o'nege
ame o'alige hi'ao fiku
faliga'anagi, huno
hu'niye. Nagalo'yavemo'mo a kanoe'mo ha
paino'ae'mo, ha'ao, huno ofaliga'ae. Lanakaemo
mani yosa alagamo nesa'a'mo'mo
lanaulagamo ayakesigetana
alagepa kava'e hosu
kava'e'mo agetetana
Gotikana hutana maiga'ae.
Goti'mo ani kava'mo ago
age'niya'mofe'mo mani
yosa alagamo o'ne'ao,
huno hu'niye.




4

A kanomo'mo ani yosa alagamo
age'niyana alagepa yosa alagamo
ae'nigeno ageno ha'ye hu'niye. A
kanomo'mo ina kava huno agesamo
afi'niye, kanalenge'na mani yosa
alagamo nete'nae'mo
alagepa hu'na
afite'na agegauve,
huno huteno ani
yosa alagamo
lagino
ne'niye.



5

Neteno anau'amo'mo agae'e'mo lokaeno
mai'niya vekamo ami'nigeno ne'niye.
Ne'na'ageno'ae'mo anaulagamo
ayake'nige'ana anake'anae'mo,
la'agufalaga'age'mo mai'no'ae,
hu'ana anakete'anae'mo fiki yosamo
haitamo hake'ana
anakufale'mo
ai'ana ati kaesa'a
ya'mo vaite'ana
hapi'na'ae.



6



Ala kava ne'mo'a
Atamufe'mo keya aeno ge
huno'ae'mo, Haiyate'mo mai'nane, huno keya aeno ge
hu'nigeno'ae'mo, sapa sapa hulika e'nage'na
afite'naeke'mo nagufalaga'age'mo mai'nova'mofe'mo
koli hute'na e'na fala ki'nove, huno hu'niye.

7



Goti'a agaefe'mo
ge huno afi ge'niye. Haiya kava huka
nagufalaga'age'mo mai'nove, huka kage'nane. Ina
la'mo kaha pai'niye. Nagaemo o'no, hu'na kaha
pai'nova yosa alagamo ne'napiye, huno afi ge'niye.

8

Ve kanomo'mo ge'ale'mo aeno atagaina huno ha paino'ae'mo, Kagaemo nagae'e'mo magokepi lokaeno maisiyafe'mo nami'nana a kanomoke'mo ani yosa alagamo nami'nige'na ne'nove. Ala kava ne'mo Goti'a a kanoe'mo ge huno afi ge'niye. Na kava higeka ani kava hane, huno ge huno afi ge'nigeno'ae'mo, Nagalo'yave moke'mo humi nate'nige'na ne'nove, huno ha pai'niye.



9

Huno huteno Ala kava ne'mo Goti'a Ineni hoyafati'mo Atamu'mo alino hafaino atale'nigeno u'niye. Goti'a mopaleti'mo alo huno ate'niya mopafi'mo ai'yumo aiteno hoyamo alino vaisiyafe'mo alino atale'nigeno u'niye.




10

Inagi Goti'a ve kano'e a kano'e'mo alino hana faino anataleteno mago lokiya enisole vaya'mo alino apate'nige'a emi'e'a yegemo haine ne'eya haopalega Ineni hoyale'mo yagai'a mai'nae.



11

Goti'a mago ata neleya naipemo male'nigeno muki haopalegamo aino vego vego huge huge huno mai'niye. Enisole vaya'mogi'e naipemo'e'mo afa'a ne'maiya ya'mo ne'apamiya yosa aepale'mo fiku yanageno mago vekamo ugiya'mofe'mo yagai'a mai'nae.



12

Atamu'a a'amo Ivi'e'mo magokepi lokaeno havae'nigeno a'amo'mo aipagu'e'mo maiteno ve mafa'nemo alino ateteno'ae'mo, Ala kava ne'mo'a naha maege'na ve mafa'nemo ali'na atove, huno hu'niye. Huteno ani mafa'nemo agi'amo Keni'ae, huno ate'niye.



13

Henaga'amo Keni agana'amo'mo Evo'mo alino ate'niye. Anakaemo ko site'anae'mo Evo'a sipisipile'mo ne'yagaiya vekamo mai'nigeno Keni'a hoyamo alino ne'vaiya vekamo mai'nige'ana hu'na'ae.




14

Henaga'amo Keni'a hoya'afati'mo ne'ya'mo aliteno'ae'mo mago ne'ya'amo alininuno Ala kava ne'mo ofalinimo ami'niye. Inagi Evo'mo yege aikeli sipisipi amagiteno afaya'amo alininuno Ala kava ne'mo ofalini ami'nigeno Evo'e ofalini'a'efe'mo amuse hu'niye.



15

Amuse hu'niyana Keni'e ofalini'a'efe'mo amuse osu'niye. Keni'a lusi kava huno aipa le'nigeno hosu augosa kali'niye.



16

Henaga'amo Keni'mo agana'amo Evo'e'amo, egeta'a vi'ano, huno hu'niye. Anakaemo u'ana mago yategamo mai'ne'anae'mo Keni'a agana'amo'mo kamitimo amagi'nigeno fali'niye.



17

Fali'nigeno'ae'mo Ala kava ne'mo'a Kenife'mo, Kaganakamo'mo Evo'mo haiya'ale'mo mai'niye, huno ge huno afi ge'nigeno'ae'mo, nagaemo o'age'nove. Nagana'nimote'mo nagaemo yagai'na ate'nova vekamo mai'nogekae'mo nehapiye, huno hu'niye.



18

Keni'a Ineni koteti'mo Ala kava ne'mo atalenuno mago mopamo agi'amo Nona kotegamo mai'niye. Ani mopamo yegemo haine ne'eya haopalegamo hane'niye.



19

Henaga'amo Atamu a'a'e'mo magokepi lokaeno havae'nigeno ve mafa'nemo alino ateteno'ae'mo agi'amo Seti'ae huno ate'niye.




20

Keni'a Evo'mo amagi'niya vekamo aimu'yale'mo maisiyafe'mo Goti'a ani mafa'ne'nimo lekana paino ate'niya'mofe'mae huteno agi'amo Seti'ae huno ate'niye. Seti'ae agimo aepa'amo hane'niyana lekana paino ate'niya vekamae.



21

Atamu'a Seti'mo alino ateteno'ae'mo eiti hataleti'a kafugamo ne'maino'ae'mo mago'e huno ve mafa'nemo alino apatege a mafa'ne alino apatege huteno fali'niye. Atamu'a muki kafuga'amo naeni hataleti teti'a kafuga maiteno fali'niye.



22

Ani afina'mo Ala kava ne'mo'a ma mopafi ve a'nemogi hosu kava'apimo ageyana alagi alopa hosu kava'mo hane'nigeno age'niye.



23

Muki vaya'mogimo muki apaipa apakesamo ne'afiya ya'apifi'mo hosu kava'age'mo muki afina'ae afina'ae'mo hanelino hanelino usiya agufa kava hu'nigeno age'niye.



24

Agesamo afino'ae'mo alo hu'na apate'nova vaya'mo ma mopafati'mo ali'na hano hu'na apatalegauve. Inagi nagaemo vayanagi yagagafagi afugi kalagi koku'nate namagi hu'na ali'na hano hu'na apatalegauve.
Alo hu'na



o'apate'novesinana kanale hu'niyesine.


25

Hu'niyesina'monanafa Noa'a Ala kava ne'mo aulagale'mo fikumo ha maeno ami'niya kava'mo ago ageteno'ae'mo ali'niye.




26

Noa aginago vava'ai apakimo hane'niye.
Agaemo lole'e mago'e ve mafa'ne
anaga'amo Semi'agi Hamu'agi
Yafeti'agi hu'a mai'nae.



27

Noa'a fatago vekamo Goti aulagale'mo
mai'niya'mofe'mo vai'mo o'ali'niye.
Noa'a Goti ao vekamo mai'nige'ana
magokepi lokaeli u'e'a
hu'ana mai'na'ae.



28

Goti'a
ma mopafi
vava'aife'mo lusi
kava huno hau ayamopafi'mo
au'niya'mofe'mo ani aiya magoke
mafa'ne'amo avaleno apami'niye. Ina
lagimo mafa'ne'ae'mo apakesamo
afi'a fatago nehisafige'a alagi
ofali'a alagepa hu'a maige
maige hu'a maisayafe'mo
avaleno
apami'niye.

2

60

29

Lomu 3:23
Na kava hu'nageno'aene. Muki vava'mogimo hosu kava'mo
hute'a Goti ha le konali ya'amo u'a hai'a me
tale'naya'mofe'mo no'aliye.

Lomu 6:23
Na kava'mo nehageno'aene. Hosu kava'mo ali'ya'amo
ne'aliya vava'ai miya'apimo falisaya kava'mo
hane'niya'monanafa Goti'a fikumo hapa maeno
ne'apamiya kava'mo alagepa hu'a maige maige hu'a
maisaya kava'mo hane'niye. Agaemo Ala kava netimo
Yesu Kalaisipi'mo ne'maiya vava'mo ne'apamiye.

Himulu 9:27
Goti'a huno'ae'mo, muki vava'mo magoke afina'mo
falitesage'na agoti hu'na apategauve, huno hu male'niye.

30

Efasasi 2:8,9 Goti'a fikumo lapa maeno lapamiteno'ae'mo
lapakesamo afita fatago hu'naya kavateti'mo lapakufamo
alino katino lapate'niye. Lapakaitapimo lapakesamo afita
fatago osu'nafa Goti'a fikumo lapa maeno lapami'nigetapa
lapakesamo afita fatago hu'nae. Goti'a vava'mogimo
apaki'apile'mo ali'a asaga osisayafe'mo alagepa
kava'apileti'mo apakufamo alino katino no'apate.

Lomu 10:9,10 Kagaemo hukae'mo, Goti'a Yesu'mo
fali'niyateti'mo ago alino he tino ate'niye, huka kaipafi'mo
kagesamo afika fatago hutekae'mo, Yesu'a Ala kava netimo
mai'niye, huka kavayafati'mo aeka hakalo nehisanana Goti'a
kagufamo alino katino kategaiye, huta lapa nepaune. Ani
kavatefe'mo apaipafi'mo apakesamo afi'a fatago
nehageno'ae'mo Goti'a huno'ae'mo, naulagale'mo fatago
vava'mo mai'nae, huno nehiye. Ani kava'mo huno Goti'a
apagufamo alino katino apatesiyafe'mo
apavayafati'mo ae'a hakalo hugae.

31

Yoni 3:16,17
Goti'a ma mopafi vava'aife'mo lusi kava huno hau
ayamopafi'mo hau'niya'mofe'mo ani aiya magoke
mafa'ne'amo avaleno apami'niye. Ina lagimo
mafa'ne'ae'mo apakesamo afi'a fatago nehisafige'a alagi
ofali'a alagepa hu'a maige maige hu'a maisayafe'mo
avaleno apami'niye. Goti'a ma mopafi vava'mo agoti huno
apateteno'ae'mo, hosu kava'mo hu'nae, huno hisiyafe'mo
mafa'ne'amo alino ate'nigeno emi'no'me'nifa apakufamo
alino katino apateteno hapau vaisiyafe'mo alino
ate'nigeno emine'niye.

32

1 Yoni 5:11-13

Goti'a ageteno ha maeno faigoko gemo aeno hakalo huno'ae'mo, nagaemo maige maige hutapa ne'maiya ya'mo lapami'nove, huno laha pai'niye. Ani maige maige hu'a ne'maiya ya'mo mafa'ne'afi'mo mai'niye.

Goti Mafa'ne'amo avale'a apaipafi'mo ate'naya vaya'mo maige maige hu'a ne'maiya ya'mo ago ali'nae. Goti Mafa'ne'amo avale'a apaipafi'mo o'ate'nisaya vaya'mo maige maige hu'a ne'maiya ya'mo o'ali'nae.

Nagaemo mani gemo Goti Mafa'ne'amo agi'alefe'mo lapakesamo afita fatago nehaya vaya'mogita hutapae'mo, maige maige huta maisuna ya'mo ali'none, hutapa afitetapa agesayafe'mo mani gemo avo'mo kae'nove. Lapakaemo afitetapa lapakesamo afita fatago hume hume visayafe'mo avo'mo kae'nove.

33

Aepa Gemae 3 - 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Keyagana Bible (kyg) © 2013, Wycliffe Bible
Translators, Inc. All rights reserved.

<https://www.bible.com/bible/1105/GEN.1.KYG2013>

©2026 Bible for Children, Inc.
www.M1914.org www.bibleforchildren.org

34